

3.10. 1992.g

49/92

STRANKA DEMOKRATSKE AKCIJE

OGRANAK SJENICA

H R O N O L O G I J A   D O G A D J A J A

/ mjesec septembar /

utorak, 1.09.1992.

Iz pravca Raždaginje prošla putem prema N.Pazaru kolona vojnih vozila /svi kamioni bili su prazni a dan prije toga otišli su oni za Raždaginjju krcati vojskom i naoružanjem/.

četvrtak, 3.09.1992.

Od strane rezervista blokirano selo Raždaginja. Širom sela postavljena mitraljeska gnijezda i rasporedjeni ljudi. Kontrola kretanja mještana vršena tokom cijelog dana.

ponjedičjeljak, 7.09.1992.

U kafe-baru "Belami", ul. "Nova" bb. u Sjenici pripadnici tzv. jugo-slovenske vojske maltretirali goste i vadili pištolje na pojedince pripadnike muslimanske nacionalnosti. VJ

utorak, 8.09.1992.

U vremenu od 11 do 13 sati helikopter MUP-a Srbije nadlijetao Sjenicu i u niskom letu vršio snimanje terena.

srijeda, 9.09.1992.

U 12 sati Sjenicu u brišućem letu nadletio avion jugo armije. U vremenu od 17 pa do 18 i 30 minuta Sjenicu su neprekidno nadlijetali avioni /svi su pravili krug-dva oko Sjenice a potom odlazili u pravcu jugo-zapada/.

subota, 12.09.1992.

Od 10 sati naveče pa do kasno u noć Sjenicom je odjekivala pucnjava iz raznih vrsta oružja. U restoranu "Srbija" i Osnovnoj školi "12.decembar" organizovani su ispraćaji u vojsku pripadnicima srpske nacionalnosti. Pucalo se čitavu noć iz svih vrsta pešadijskog automatskog oružja. Na ispraćajima je bilo i dosta vojske.

nedjelja, 13.09.1992.

U osnovnoj školi "12.decembar" organizovan je ispraćaj u vojsku. Od 10 sati naveče pa skoro do dva sata posle ponoći čuli su se pucnji, čas iz pištolja čas iz automatskog naoružanja, a u 11 i 45 i



dvije eksplozije /najverovatnije bombi ili dinamita/. Osnovna škola je, inače, u strogom centru grada i mnogi građani Sjenice pucnjavom su bili uznemiravani cijelu noć. Milicija nije intervenisala.

utorak, 15.09.1992.

U Raždaginju i okolna sela tzv, jugoslovenska vojska dovlači nove trupe. Provokacije i uznemiravanja seljana su sve učestalije. Tako je oko 18 i 20 min. grupa rezervista poručila 18-ogodišnjem Muameru Bihorcu da će ga priklati kosom kojom je ovaj kosio travu. Nurku Hamidoviću rezervisti su psovali tursku majku na što im je ovaj uzvratio sličnom mjerom. Oba slučaja su se desila u Zaječiču a provokacije ovakve i slične vrste su svakodnevnica života u sjeničkoj opštini.

ponedjeljak, 14.09.1992.

U autobusu sjeničkog "Autotransporta" koji saobraća na liniji Beograd-Sjenica, negdje oko 18 sati, na 2 km od D. Poljane jedan iz grupe od oko 10-15 rezervista napao putnika Omera Hajradinovića iz Sjenice, uperio mu pištolj u čelo i prijetio mu da će ga ubiti.

četvrtak, 17.09.1992.

U 9 i 25 ujutro gradom prošla kolona vojnih vozila od 6 kamiona. Na nekoliko mjesta u samom centru grada iz kamiona su pucali rezervisti iz pištolja i automata.

utorak, 22.09.1992.

Od 11 do 13 sati u Giljevu se pucalo iz mitraljeza i automata. S vremena na vrijeme čula se i artiljerijska paljba.

srijeda, 23.09.1992.

Selo Raškoviće - oko 6 sati ujutru policija /sa 4 nive/ upala u selo i izvršila detaljan pretres u kućama Muratović Muja i Rasima i Sejdović Šaćira i Tahira. Kod svih, sem Tahira, našli su oružje i municiju i to : 3 automatske puške, 2 puške M-48, 1 vinčesterku, 3 pištolja i oko 2,5 do 3 hiljade metkova. Vojska i obezbedjenje tom prilikom bili su postavljeni oko čitavog sela.

Kamešnica - pretres izvršen u kući Šaćirović Huseina. Nadjena 1 automatska puška i 450-550 metkova.

U oba slučaja povod za pretres su pucanja za vrijeme nedavnih svadbenih veselja /u Raškovićima se ženio sin Naila Muratovića sa ćerkom Murata Duljevića iz Medjugora/.

Svi kod kojih su je nadjeno oružje i municija pozvani su da 24.09. u Sjenici daju izjave.

Informativna služba

SDA Sjenica

Muhedin Fijuljanin

